

## Informativni list

1. Naziv, ime i adresa predugovornih strana
  - 1.1. Naziv banke: Intesa Sanpaolo banka d.d. BiH /u daljem tekstu: Banka/
  - 1.2. Adresa sjedišta Banke: Obala Kulina bana 9a, 71000 Sarajevo, BiH
  - 1.3. Ime i prezime; JMB: / /u daljem tekstu: Tražilac ili Korisnik kredita/
  - 1.4. Adresa Tražioca kredita:
2. Karakteristike proizvoda
  - 2.1. Vrsta kredita: Kredit se odobrava za finansiranje kupovine i ugradnje energetski efikasne opreme, materijala, proizvoda ili sistema navedenih u tehnološkom selektoru GEFF-a (Green Economy Financing Facility na stranici [www.ebrdgeff.com/ba](http://www.ebrdgeff.com/ba)). Za kupovinu navedenih, certificiranih, proizvoda Korisnik kredita ostvaruje pravo na podsticaj u iznosima i na način koji definiše konsultant kreditne linije. O postupku ostvarenja poticaja Korisnik kredita je upoznat na [www.ebrdgeff.com/ba](http://www.ebrdgeff.com/ba), od strane uposlenika Banke kao i putem promotivnog materijala
  - 2.2. Iznos kredita: 90.000,00 KM
  - 2.3. Valuta: KM sa valutnom klauzulom u EUR
  - 2.4. Kredit se odobrava u domicilnoj valuti KM uz valutnu klauzulu u EUR, i isplaćuje u domicilnoj valuti, prema važećem srednjem kursu Centralne Banke na taj dan. Iznos mjesečnog anuiteta se, također, utvrđuje u EUR, a preračunava i naplaćuje u KM protuvrijednosti prema srednjem kursu Centralne Banke važećem na dan dospijeca anuiteta. S obzirom da je vrijednost obaveze Korisnika kredita vezana za EUR, Korisnik kredita je izložen riziku promjene deviznog kursa, i to na način da iznos mjesečnog anuiteta izražen u KM varira zavisno od kretanja kursa EUR u odnosu na KM.
  - 2.5. Uslovi korištenja kredita za Korisnika kredita su sljedeći:
    - Dostavljena osnovna dokumentacija (popunjen zahtjev za kredit od strane Korisnika kredita, saglasnost za CRK, ovjerena kopija lične karte, potvrda o prebivalištu, potvrda o stalnom zaposlenju, platne liste za posljednja tri mjeseca, ovjeren izvod iz banke Korisnika kredita koji ne prima platu preko računa otvorenog kod Intesa Sanpaolo banke za posljednjih šest mjeseci),
    - Za Korisnika kredita, koji se posmatra kao klijent Banke, neophodno je da primi minimum jednu platu na tekući račun otvoren u Banci,
    - Dostavljena ugovorena sredstva obezbjeđenja,
    - Izmirene obaveze prema Banci po osnovu naknada.
  - 2.6. Trajanje ugovora, odnosno rok otplate kredita: 120 mjeseci.
  - 2.7. Nominalna kamatna stopa: 3,39%, godišnja, promjenjiva kamatna stopa, a sastoji se od prosječne kamatne stope na depozite stanovništva uzete na dan 31.03. tekuće godine, u visini od 0,95% (promjenjivi dio kamatne stope) i marže Banke u iznosu od 2,44% (nepromjenjivi dio kamatne stope).
  - 2.8. Redovno usklađivanje promjenjivog dijela kamatne stope će se vršiti jednom godišnje svakog 30.06., uključujući i subotu, do kraja otplate kredita, poredeći vrijednost promjenjivog dijela kamatne stope na dan 31.03. tekuće sa 31.03. prethodne godine. Redovno usklađivanje promjenjivog dijela kamatne stope na dan 30.06. tekuće godine će se vršiti za kredite koji su ugovoreni prije 01.01. tekuće godine. Za kredite koji su ugovoreni poslije 01.01. tekuće godine, redovno usklađivanje promjenjivog dijela kamatne stope vršit će se na dan 30.06. naredne godine. Redovno usklađivanje promjenjivog dijela kamatne stope će biti vršeno ukoliko vrijednost prosjeka kamatnih stopa sa dogovorenim dospeljem na depozite stanovništva za depozite u KM i depozite sa valutnom klauzulom, depozite u EUR i depozite u stranoj valuti, uzetih na dan 31.03. date godine, bude povećana ili smanjena za više od 1(jedan) procentni poen u odnosu na istu vrijednost na dan 31.03. prethodne godine. Kao referentna kamatna stopa uzima se prosjek kamatnih stopa na depozite stanovništva, iskazan na godišnjem nivou. Kamatne stope na depozite stanovništva računaju se od strane Centralne banke Bosne i Hercegovine (CBBH, [www.cbbh.ba](http://www.cbbh.ba)) i objavljuju prema kalendaru statističkih objava Centralne banke BiH, odnosno od 1-og do 7-og u mjesecu u kojem se objavljuju podaci. U slučaju promjene metodologije izračuna kamatnih stopa na depozite stanovništva od strane Centralne banke BiH, Banka će koristiti istu metodologiju obračuna na osnovu podataka o kamatnim stopama na depozite stanovništva objavljenih od strane druge relevantne institucije u Bosni i Hercegovini. U slučaju da podatke o kamatnim stopama na depozite stanovništva, na način kako se iste objavljuju u momentu zaključivanja ovog Ugovora, ne objavljuje niti jedna relevantna institucija u BiH, Banka će prilagoditi metodologiju izračuna prema metodologiji Centralne banke BiH. Ukoliko zbog promjene metodologije izračuna kamatnih stopa na depozite stanovništva dođe do povećanja ili smanjenja prosjeka kamatnih stopa na depozite stanovništva za više od 1 (jedan) procentni poen, Banka neće vršiti izmjenu visine kamatnih stopa na osnovu tako nastale promjene, odnosno sve buduće promjene visine kamatnih stopa vršit će na osnovu promjena koje su nastale bez uticaja promjene metodologije izračuna od strane Centralne banke BiH.
  - 2.9. U slučaju promjene visine kamatnih stopa Banka će u pisanoj formi i/ili u elektronskom obliku obavijestiti Korisnika kredita i to najkasnije u roku od 15 (petnaest) dana prije početka primjene izmjenjene kamatne stope. Danom obavijesti Korisnika kredita smatra se dan kada je Banka poštanskim/elektronskim putem uputila Korisniku kredita obavijest o tome na adresu navedenu u Ugovoru o kreditu, odnosno na adresu koju su isti naknadno pismeno dostavio Banci, bez obzira da li se nalazi na/koristi predmetnu adresu.

Obavijest o promjeni kamatnih stopa iz stava 1. ove tačke obavezno će sadržavati plan otplate kredita kao i datum primjene novih kamatnih stopa.

Primjer izračuna prosjeka kamatnih stopa na depozite stanovništva, uzet na dan 31.03.2023

Redni broj	Vrste depozita stanovništva	Visina kamatne stope
1.	Depoziti u KM i depoziti sa valutnom klauzulom „sa dogovorenim dospeljem“	
1.a.	- Do 1 godine	0,239
1.b.	- Preko 1 do 2 godine	0,982
1.c.	- Preko 2 godine	1,405
2.	Depoziti u EUR „sa dogovorenim dospeljem“	
2.a.	- Do 1 godine	0,572
2.b.	- Preko 1 do 2 godine	1,326

2.c.	- Preko 2 godine	1,739
3.	Depoziti u stranoj valuti „sa dogovorenim dospijecem“	0,393
Prosjek svih depozita (1.a. + 1.b. + 1.c. + 2.a. + 2.b. + 2.c. + 3) / 7		0,95

2.10. Efektivna kamatna stopa (EKS)<sup>1</sup>: 4%

Osnovica kredita iznosi: 90.000,00 KM

Kamatna stopa: 3,39%

Ukupan iznos koji Korisnik kredita treba da plati je: 108.498,50 KM

Ukupan iznos koji Banka isplaćuje na račun Korisnika kredita je: 90.000,00 KM, eventualno umanjen za iznos naknade za zaprimanje, obradu zahtjeva i odobravanje kredita, u slučaju da Korisnik kredita izabere opciju naplate naknade iz kredita. Reprezentativan primjer izračuna efektivne kamatne stope (EKS) je sastavni dio ovog Informativnog lista.

## 2.11. Troškovi koji padaju na teret Korisnika kredita su:

- naknada za zaprimanje, obradu zahtjeva i odobravanje kredita: 0,50% od iznosa kredita, ukoliko je visina naknade izražena u procentima, odnosno iznos od 450,00 KM.
- naknada za vođenje kreditnog računa iznosi 4,00 KM mjesečno, propisana je Odlukom o naknadama i drugim troškovima Banke za usluge u poslovanju s domaćim i stranim fizičkim licima i obračunava se u ukupnom iznosu od 480,00 KM. Naknada će se naplaćivati uz mjesečnu ratu kredita prema otplatnom planu koji je uručen Korisniku kredita.
- naknada za izdavanje CRK izvještaja fizičkim/pravnim licima za potrebe analize traženog plasmana kada je fizičko/pravno lice učesnik u kreditu/plasmanu u iznosu od 1,50 KM (svaki učesnik). U slučaju da traženi plasman nije odobren od strane Banke, naknada za izdavanje CRK izvještaja fizičkim/pravnim licima za potrebe analize plasmana iznosi 0,00 KM.
- trošak ovjere Ugovora o kreditu, u skladu sa aktima ovlaštenih institucija.
- trošak ovjere administrativne zabrane i lične karte/karata, u skladu sa aktima ovlaštenih institucija.
- trošak za mjenice, u skladu sa aktima ovlaštenih institucija.

## 2.12. Ostali troškovi koji mogu pasti na teret Korisnika kredita su:

- plaćanje trajnim nalogom sa tekućeg, žiro i a`vista računa za uplatu rate kredita unutar Banke – bez naknade;
- gotovinsko i bezgotovinsko plaćanje na zahtjev fizičkog lica u korist kreditnog računa unutar Banke – bez naknade;
- odustanak od kredita – bez dodatne naknade za Korisnika kredita;
- po potrebi, trošak neophodne dokumentacije (npr. Zemljišno-knjižni izvadak, Izvod iz knjige uloženi ugovora, Posjedovni list itd.), promjenjivo u skladu sa aktima ovlaštenih institucija;
- po potrebi, trošak procjene nekretnine, promjenjivo u skladu sa aktima ovlaštenih institucija;
- po potrebi, trošak notarskih usluga, promjenjivo u skladu sa aktima ovlaštenih institucija;
- po potrebi, trošak upisa hipoteke, promjenjivo u skladu sa aktima ovlaštenih institucija;
- po potrebi, trošak police osiguranja u skladu sa važećom tarifom osiguravajućeg društva.

Naknade iz tački 2.11. i 2.12. koje naplaćuje Banka su fiksne, dok su naknade koje naplaćuju ovlaštene institucije promjenjive u skladu sa aktima tih institucija.

2.13. U slučaju da Korisnik kredita koristi IN Paket usluga može ostvariti popust\*<sup>e</sup> na komercijalne naknade za obradu kredita i to:

- IN Standard – 10 % niža naknada za obradu kredita
- IN Prima – 20 % niža naknada za obradu kredita
- IN Plus – 30 % niža naknada za obradu kredita
- IN Premium – 50 % niža naknada za obradu kredita

\*Popust se može ostvariti samo ako je isti predviđen i ugovorom o IN paketu

2.14. Otplata kredita vrši se kroz 120 anuiteta, koji dospijevaju na naplatu svakog 01. u mjesecu. Iznos anuiteta je 885,34 KM koji na dan korištenja kredita odgovara protuvrijednosti od 452,66 EUR plativo u KM računato po srednjem kursu za EUR zvanične kursne liste Centralne Banke važeće na dan dospijeca anuiteta. Klijenti koji žele imati isplatu kredita poslije 15-og u mjesecu, mogu isplatu ostvariti uplatom interkalarnе kamate, s tim da će za datum dospijeca anuiteta kredita birati datum iz prve polovine mjeseca. Pojedinačne otplate dospijevaju na datum koji je odabrao Korisnik kredita birajući datum iz prve polovine mjeseca, pri čemu prva rata dospijeva u narednom mjesecu računajući od datuma u kojem je izvršena isplata kredita.

U periodu od početka korištenja kredita do prenosa kredita u otplatu na iskorišteni iznos kredita, Korisnik kredita plaća Banci interkalarnu kamatu u visini redovne kamatne stope na kredit.

2.15. Anuitet dospijeva na naplatu na datum koji odredi Korisnik kredita između 1. (prvog) i 15. (petnaestog) dana u mjesecu. Korisnik kredita je obavezan da uplatu anuiteta izvrši u roku od 5 (pet) dana od dana dospijeca anuiteta, u protivnom Banka će na sve dospjele, a neizmirene obaveze obračunati zateznu kamatu/kamatu po dospijecu. Na dospjele, nepodmirene obaveze iz Ugovora Banka će obračunavati i naplaćivati zateznu kamatu (kamatu po dospijecu) u visini od 10%, na godišnjem nivou. Zatezna kamata je promjenjiva u skladu sa važećim propisima o zateznoj kamati, a izračunava se na osnovu stvarnog broja dana u godini (365/366 godišnje) primjenom konformne metode i dekurzivnog načina obračuna. U slučaju da dođe do promjene propisa o zateznoj kamati na klijenta će se primjenjivati stopa zatezne kamate koja je povoljnija za klijenta

U slučaju neispunjavanja obaveza Korisnik kredita dužan je platiti i naknadu za prikupljanje podataka o adresi i posjedovanju imovine, proteste, tužbe i druge mjere prema neurednim dužnicima – u visini stvarnih troškova.

2.16. Ukoliko je novčani depozit uslov odobravanja kredita, Korisnik kredita je obavezan da zaključi Ugovor o namjenskom novčanom depozitu i Ugovor o zalogu na novčanom depozitu. Ukoliko je novčani depozit uplaćen iz sredstava odobrenog kredita, na novčani depozit Banka neće platiti kamatu, a ukoliko je novčani depozit uplaćen iz vlastitih sredstava, Banka na iznos depozita obračunava i plaća kamatu po važećoj kamatnoj stopi u momentu ugovaranja kredita. Depozit se oročava do momenta izmirenja svih obaveza po Ugovoru o kreditu. Korisnik kredita može novčani depozit iskoristiti za izmirenje cjelokupnog dugovanja po kreditu, ukoliko je iznos dovoljan za pokriće svih obaveza Korisnika kredita prema Banci. Korisnik kredita obavezan je o svojoj namjeri prijevremene otplate kredita, odnosno prebijanja obaveza, pismeno obavijestiti Banku.

## 3. Izjave i garancije Korisnika kredita

Korisnik kredita izjavljuje da

3.1. je upoznat da je ovaj kredit podržan sredstvima granta iz Evropskog zajedničkog fonda za Zapadni Balkan (EWBJF), multidonatorskog fonda u okviru Investicionog okvira za Zapadni Balkan za finansiranje podsticaja investicija.

<sup>1</sup> EKS i izračuni iznosa anuiteta u KM koji su formirani valuti u EUR važi samo na dan izrade informativnog lista

3.2. prihvata da će u slučaju promocije vlastitog projekta isticati da je projekat podržan sredstvima EWBIF-a te da će u slučaju pisane promocije uvrstiti sljedeće odricanje od odgovornosti: "Ovaj dokument je izrađen uz finansijsku pomoć Evropskog zajedničkog fonda za Zapadni Balkan u okviru Investicionog okvira za Zapadni Balkan. Stavovi izraženi ovdje su stavovi (ime autora) i stoga se ni na koji način ne mogu smatrati da odražavaju službeno mišljenje saradnika Zajedničkog fonda Evropskog zapadnog Balkana ili Evropske banke za obnovu i razvoj (EBRD-a) ili Evropske investicijske banke (EIB-a), kao ko-menadžera Zajedničkog fonda Evropskog zapadnog Balkana."

3.3. da je upoznat da neće biti dužan da plati bilo kakve troškove ili naknade povezane sa imenovanjem konsultanta kreditne linije ili praćenjem projekta, osim sopstvenih troškova (ako ih bude) u vezi sa saradnjom i podrškom koju se obavezuje da će pružiti konsultantu kreditne linije.

3.4. ne očekuje niti jednu druga podršku u smislu bespovratnih sredstava osim onih koja će biti dobivena za finansirani projekt.

3.5. je upoznat i saglasan da EBRD, konsultant kreditne linije, Evropska unija, Republika Austrija i Investicioni okvir za Zapadni Balkan mogu da objave informacije o finansiranom projektu, kao i da ga imenuju, kao korisnika sredstava iz Green Economy Financial Facility for the Western Balkans (GEFF-a), a u kontekstu promovisanja finansiranja zelene ekonomije i objavljivanja rezultata/uspjeha GEFF-a.

3.6. prihvata da EBRD može objavljivati informacije o projektu i kreditu (iznos, prirodu i svrhu, kao i imena i adrese Korisnika kredita).

3.7. će koristiti kredit GEFF-a samo za prihvatljivi projekt tj za onaj projekta koji ima certifikat izdat od strane GEFF-a

3.8. će pribaviti sve potrebne saglasnosti i odobrenja prema zakonu (građevinska inspekcija, gradska i državna urbanistička inspekcija itd.), kao i da sam ovlašten da ugradim tehnologije na ovoj lokaciji (uključujući dozvolu vlasnika stambene jedinice, ukoliko je primjenjivo).

3.9. će omogućiti pristup svim informacijama i/ili evidencijama koje se odnose na moj projekt, kao i da ću dozvoliti pristup prostorijama u kojima je projekt implementiran EBRD-u, njegovom/im predstavniku/cima, uključujući konsultanta kreditne linije, Evropski revizorski sud ili svim drugim ovlaštenim licima, a za potrebe desk istraživanja i terenskih provjera koje se odnose na korištenje kreditnih sredstava/podsticaja.

3.10. je upoznat da isplata podsticaja zavisi od uspješne verifikacije projekta, koju vrši konsultant kreditne linije.

3.11. razumije i prihvata da će tačan iznos podsticaja za investiciju koji treba da mi bude isplaćen, biti obračunat od strane konsultanta kreditne linije, i to nakon implementacije projekta i dostavljanja Obrasca zahtjeva za verifikaciju i ostalih potrebnih dokumenata a koje će, putem WEB stranice [www.ebrdgeff.com/ba](http://www.ebrdgeff.com/ba), dostaviti konsultantu kreditne linije.

3.12. razumije da ima pravo da podnese više kreditnih zahtjeva za implementaciju različitih mjera, bez prava na primjenu iste mjere u okviru jednog projekta (stambene jedinice ili zgrade). Za jedan projekt (stambenu jedinicu ili zgradu) moguće je podnijeti jedan kreditni zahtjev po prihvatljivoj mjeri.

3.13. razumije da nijedan podsticaj za ulaganje neće biti isplaćen ukoliko je kredit otplaćen/prijevremeno otplaćen prije verifikacije projekta.

3.14. razumije da EBRD ima obavezu da obavijesti EU ukoliko otkrije prevaru ili nepravilnost u vezi sa implementacijom projekta.

3.15. je upoznat, saglasan i razumije da ukoliko mu neopravdano bude isplaćen bilo koji iznos podsticaja ili isti bude iskorišten na način kojim se krše odredbe ugovora o kreditu, ili EBRD zahtjeva otplatu cijelog ili dijela iznosa podsticaja za investiciju, da će na zahtjev Banke, otplatiti pomenuti iznos. Ako EBRD to zatraži Banka može poduzeti sve mjere (uključujući pokretanje sudskog postupka, uz otkaz ugovora o kreditu) radi naplate tog podsticaja.

3.16. je upoznat i saglasan da EBRD može Donatorima otkriti dokumenta, informacije i evidencije u vezi sa kreditom i projektom, ukoliko to smatra opravdanim, a po osnovu izvještavanja i drugih obaveza koje ima prema EWBIF

3.17. razumije da je EBRD obavezn da obavijesti Evropsku komisiju ako je Korisnik kredita osuđen za prevaru, korupciju, umiješanost u kriminalnu organizaciju, pranje novca ili bilo koju drugu ilegalnu aktivnost štetnu po finansijske interese Evropske unije.

3.18. razumije da će EBRD-a obavijestiti Evropsku komisiju da li je Korisnik kredita dostavio EBRD-u bilo kakve informacije u vezi sa Projektom ili bilo kojim pod-projektom koji, po mišljenju EBRD-a, uključuje zloupotrebu sredstava. Evropska Komisija može uvesti bilo koju informaciju primljenu u skladu sa ovim odjeljkom u sistem Evropske komisije u vezi sa ranim otkrivanjem i isključivanjem.

3.19. će voditi evidenciju i poslovne knjige koje se odnose na kredit najmanje 5 godina nakon (i) datuma kada je kredit u potpunosti otplaćen; i (ii) ukoliko je EBRD inicirao reviziju ili inspekciju u vezi sa kreditom, nakon datuma završetka revizije ili inspekcije; i evidencija će biti stavljena na raspolaganje predstavnicima EBRD-a na njihov zahtjev.

3.20. će se uzdržavati od svih aktivnosti koje bi mogle kompromitirati, nepristrasno i objektivno vršenje funkcija bilo kog lica koje vrši svoju dužnost u skladu sa ovim Ugovorom o kreditu.

3.21. će konsultantu kreditne linije dostaviti fakture/račune i ostalu dokumentaciju kao potvrdu visine investicijskih troškova kada i ukoliko ih isti zatraži.

3.22. razumije da je odgovoran za implementaciju projekta te da će obavijestiti Banku nakon što isi bude implementiran ili završen.

3.23. će prilikom verifikacijskog procesa Investicijskom konsultantu dostaviti potvrdu o iznosu realizovanog kredita kao i svaki dodatni dokument ili fakturu prodavca/izvođača radova koju Investicijski konsultant može tražiti od mene.

3.24. je upoznat i prihvata da će Banka obavijestiti Korisnika kredita o podsticaju projektu, da je upoznat sa uslovima dobijanja podsticaja (bilo kojeg iznosa) te da iste prihvata.

#### 4. Druge bitne informacije

4.1. Ukoliko Korisnik kredita ne ispunjava svoje obaveze u skladu sa otplatnim planom, Banka je dužna, u skladu sa pravilima propisanim Odlukom nadležne agencije o upravljanju kreditnim rizikom i utvrđivanju očekivanih kreditnih gubitaka, plasman klasifikovati u lošiju kategoriju kreditnog rizika. U lošiju kategoriju kreditnog rizika će biti klasifikovana cjelokupna izloženost koju Korisnik kredita ima u Banci. Klasifikacija u lošiju kategoriju kreditnog rizika može dovesti do potencijalne nemogućnosti daljnjeg zaduženja Korisnika kredita, blokade računa Korisnika kredita i njegovih kreditnih kartica, te naposljetku eventualno i pokretanja sudskog postupka pred nadležnim sudom.

4.2. Ukoliko Korisnik kredita i/ili solidarni dužnik (sudužnik) ne ispunjava svoje obaveze u skladu sa otplatnim planom, Banka može otkazati Ugovor o kreditu i proglasiti cjelokupno dugovanje dospjelim, te tražiti naplatu cjelokupnog potraživanja i sudskim putem, a sve u skladu sa važećim propisima.

4.3. Banka može otkazati Ugovor, ako Korisnik kredita i/ili solidarni dužnik (sudužnik):

- ne ispunjava svoje obaveze u skladu sa otplatnim planom, ne plati najmanje 3 (tri) dospjela anuiteta, a sve u skladu sa važećim propisima,
- prezentira Banci neistinitu i neispravnu dokumentaciju,

- ne obavijesti Banku pisanim putem o promjeni svoje adrese stanovanja, odnosno promjeni poslodavca kod kojeg je zaposlen ili gubitka posla, a neuredno izvršava svoje obaveze prema Banci u skladu sa ovim Ugovorom,
- se ne pridržava bilo koje odredbe ovog Ugovora,
- se ne pridržava odredbi Opštih uslova poslovanja po kreditima stanovništvu te sastavnih dijelova istih.

Ugovor o kreditu Banka otkazuje pisanim putem uz otkazni rok od 15 (petnaest) dana računajući od dana uručenja obavijesti o otkazu Korisniku kredita i solidarnom dužniku (sudužniku).

Danom kada im je dostavljena obavijest o otkazu smatra se dan kada im je Banka putem pošte uputila obavijest o otkazu na adresu iz Ugovora ili adresu koju su Korisnik kredita i solidarni dužnik (sudužnik) pismeno dostavili Banci.

Otkazom Ugovora Korisnik kredita i solidarni dužnik (sudužnik) dužni su platiti Banci cjelokupno potraživanje sa pripadajućim kamatama i troškovima do dana podmirenja

4.4. Instrumenti obezbjeđenja kredita koji se koriste u slučaju izmirenja obaveza iz instrumenata osiguranja su:

- Isprava o zapljeni plate po pristanku dužnika;
- Polica osiguranja (osiguranje povrata kredita, životno osiguranje, kasko osiguranje vozila, osiguranje nekretnine);
- Isprava o zapljeni i isplati dijela plate solidarnog dužnika (sudužnika);
- Dvije vlastite mjenice i mjenične izjave potpisane od strane Korisnika kredita;
- Dvije vlastite mjenice i mjenične izjave potpisane od strane solidarnog dužnika (sudužnika);
- Založno pravo na pokretnini;
- Hipoteka/založno pravo Banke na nekretnini.

Banka će postupak naplate dospjelih potraživanja vršiti u skladu sa važećim propisima, iz svih sredstava koja su joj na raspolaganju, a prema naprijed navedenom redoslijedu.

4.5. Kao instrument osiguranja, Banka će prihvatiti policu osiguranja koja ispunjava propisane uslove za pojedini proizvod, izdatu od osiguravajućeg društva koje egzistira na teritoriji Bosne i Hercegovine i ima odobrenje za rad od strane Agencije za nadzor osiguranja Federacije Bosne i Hercegovine ili Agencije za nadzor osiguranja Republike Srpske.

4.6. Banka ne može Korisniku kredita staviti na raspolaganje kredit prije isteka roka od 14 (četnaest) dana od dana zaključenja ugovora, izuzev na izričit zahtjev Korisnika kredita. Korisnik kredita ima pravo da odustane od zaključenog ugovora o kreditu, bez navođenja razloga za odustanak, u roku od 14 (četnaest) dana od dana zaključenja ugovora, odnosno u kraćem roku ugovorenom za stavljanje kredita na raspolaganje na izričit zahtjev Korisnika kredita, pod uslovom da nije počeo koristiti raspoloživa sredstva ukoliko je Ugovor o kreditu zaključio na teritoriji Republike Srpske. Ukoliko je Korisnik kredita, Ugovor o kreditu zaključio na teritoriji Federacije BiH i Brčko distrikta BiH, može odustati od istog u roku od 14 (četnaest) dana od dana zaključenja ugovora, odnosno u kraćem roku ugovorenom za stavljanje kredita na raspolaganje na izričit zahtjev Korisnika kredita, samo pod uslovom da odmah ili u roku od 30 (trideset) dana od dana dostavljanja obavijesti o odustanku od kredita, vrati Banci glavnice i kamatu za sredstva koja je iskoristio u periodu korištenja odobrenog kredita, odnosno da nije počeo koristiti raspoloživa sredstva ako se radi o kreditu koji je osiguran hipotekom (zalogom na nekretnini).

Korisnik kredita je dužan da o svojoj namjeri odustanka od ugovora obavijesti Banku u pismenoj formi, pri čemu se datum prijema tog obavještenja smatra datumom odustanka od ugovora. U slučaju odustanka Korisnika kredita od zaključenog Ugovora o kreditu, Banka zadržava naknade definisane u tački 2.11. i 2.12.

4.7. Korisnik kredita ima pravo na prijevremenu otplatu duga po kreditu, s tim da je dužan o namjeri prijevremene otplate kredita unaprijed obavijestiti Banku najmanje 5 (pet) radnih dana prije dana otplate (povrata) kredita.

4.8. Banka će zaračunati naknadu za prijevremenu otplatu kredita u iznosu koji je definisan u skladu sa propisima koji su na snazi na teritoriji Bosne i Hercegovine, zavisno od mjesta u kojem se nalazi organizacijski dio Banke. Osnovica za obračun naknade za prijevremenu otplatu je iznos glavnice koja se prijevremeno otplaćuje.

Ukoliko se prijevremeno otplaćuje kredit ugovoren uz fiksnu ili promjenjivu kamatnu stopu, Banka će zaračunati naknadu za prijevremenu otplatu kredita u visini naknade za obradu kredita i to za kredit koji je:

- u iznosu manjem od 400 KM ili većem od 150.000 KM, ugovoren u bilo kojem organizacijskom dijelu Banke,
- osiguran hipotekom a namjena korištenja nije adaptacija, ugovoren u organizacijskom dijelu koji se nalazi na teritoriji Federacije Bosne i Hercegovine i Brčko Distrikta.

Ukoliko se prijevremeno otplaćuje kredit koji je ugovoren u iznosu većem od 400 KM i manjem od 150.000 KM, Banka neće zaračunati i naplaćivati naknadu za prijevremenu otplatu kredita i to:

- za kredite ugovorene sa promjenjivom kamatnom stopom, u bilo kojem organizacijskom dijelu Banke,
- za kredite čija otplata je izvršena na osnovu zaključenog ugovora o osiguranju čija namjena je osiguranje otplate kredita, ugovorene u bilo kojem organizacijskom dijelu Banke,
- za kredite ugovorene sa fiksnom kamatnom stopom, ako je iznos prijevremene otplate u periodu od godinu dana manji od 10.000,00 KM, ugovorene u organizacijskom dijelu koji se nalazi na teritoriji Republike Srpske.

Ukoliko se prijevremeno otplaćuje kredit koji je ugovoren u iznosu većem od 400 KM i manjem od 150.000 KM, uz fiksnu kamatnu stopu, Banka će zaračunati naknadu za prijevremenu otplatu kredita kako slijedi:

- za kredite osigurane hipotekom ali je namjena korištenja sredstava adaptacija i kredite koji nisu osigurani hipotekom, ugovorene u organizacijskom dijelu koji se nalazi na teritoriji Federacije Bosne i Hercegovine i Brčko Distrikta, Banka će zaračunati i naplatiti naknadu za prijevremenu otplatu kredita, ako je period između dana prijevremene otplate i zadnjeg dana dospijeća kredita jednak ili duži od godinu dana, u iznosu od 1,00% od iznosa glavnice kredita koji se prijevremeno otplaćuje, odnosno ako je period između dana prijevremene otplate i zadnjeg dana dospijeća kredita kraći od godine dana, u iznosu od 0,50% od iznosa glavnice kredita koji se prijevremeno otplaćuje.
- za kredite ugovorene u organizacijskom dijelu koji se nalazi na teritoriji Republike Srpske, ako je iznos prijevremene otplate u periodu od godinu dana veći od 10.000,00 KM, Banka će zaračunati i naplaćivati naknadu za prijevremenu otplatu kredita ako je period između dana prijevremene otplate i zadnjeg dana dospijeća kredita jednak ili duži od godinu dana, u iznosu od 1,00% od iznosa glavnice kredita koji se prijevremeno otplaćuje, odnosno ako je period između dana prijevremene otplate i zadnjeg dana dospijeća kredita kraći od godine dana, u iznosu od 0,50% od iznosa glavnice kredita koji se prijevremeno otplaćuje.

Naknada za prijevremenu otplatu kredita ni u jednom slučaju ne može biti veća od iznosa kamate koju bi Korisnik kredita platio za vrijeme od dana vraćanja kredita do dana kada je kredit po ugovoru trebao biti vraćen. Procenat (%) naknade za prijevremenu otplatu kredita ne može biti veći od procenta naknade naplaćene prilikom odobravanja kredita.

4.9. Tražilac kredita ima pravo da u toku procjene njegove kreditne sposobnosti besplatno dobije obavijest o rezultatima uvida u baze podataka.

4.10. Tražilac kredita ima pravo da dobije besplatnu kopiju nacrtu ugovora o kreditu, radi razmatranja izvan prostorija Banke, a u slučaju preuzimanja besplatne kopije nacrtu ugovora o kreditu dužan je da u roku od 3 (tri) dana obavijesti Banku o svojoj namjeri

zaključenja Ugovora. Banka neće izdati besplatnu kopiju nacrtu ugovora o kreditu ako u vrijeme podnošenja zahtjeva Tražioca kredita ocijeni da ne želi zasnovati odnos sa Tražiocem kredita u konkretnom pravnom poslu.

4.11. Ukoliko je tražilac kredita nepismena, slijepa ili slabovidna osoba ovaj informativni list će biti pročitani u prisustvu dva svjedoka. Svjedoci će svojeručnim potpisom na ovom informativnom listu potvrditi da je informativni list pročitani tražiocu kredita te da su mu pojašnjeni elementi istog.

4.12. U slučaju da se ugovor raskida iz razloga navedenih u tački 3.15. Korisnik je dužan da plati Banci pored cjelokupnog potraživanja sa pripadajućim kamatama i troškovima i do dana podmirenja i cijeli ili dio iznosa primljenog podsticaja u skladu sa tačkom 3.15

4.13. Ako učesnici u kreditu smatraju da se Banka ne pridržava obaveza iz zaključenog ugovora, dobrih poslovnih običaja, ovih Uslova, odredbi zakona i podzakonskih propisa, može uputiti usmeni i/ili pisani prigovor neposredno, dostavljanjem poštom na adresu Banke ili elektronskim putem na e-mail adresu stanovnistvo@intesasanpaolobanka.ba. Ukoliko podnosilac prigovora uputi usmeni prigovor, a nije zadovoljan odgovorom Banke, podnosilac prigovora ima pravo na podnošenje prigovora u pisanoj formi i/ili elektronskim putem.

Banku obavezuju podaci iz Informativnog lista do

Mjesto:

Datum sastavljanja Informativnog lista:

Tražilac kredita

---

(potpis ovlaštenog lica i pečat Banke)